

癰瘍機要卷上

古吳薛 已著

後學陸得霑校

本症治法

變症治法

兼症治法

類症治法

各症治驗

各症方藥

內經云風氣與太陽俱入行諸脉俞散於分肉之間與衛氣相干其道不利故使肌肉憤臃而有瘍衛氣有所凝而不行故其肉有不仁也有榮衛熱附其氣不清故使鼻柱壞而色敗皮膚瘍潰風寒

客於脉而不去名曰癘風其治法當刺飢肉骨髓
以泄榮衛之沸熱靈樞經以銳針刺腫上出惡血
近代先哲云感天地肅殺惡氣所致其上體先見
或多者毒在上也下體先見或多者毒在下也蓋
氣受邪則上多血受邪則下多氣血俱受則上下
齊見若鬚毛先落毒在肺面發紫色者毒在肝脚
底先痛或穿者毒在腎遍身如癰者毒在脾目先
損者毒在心此五臟受症之重也一日皮死麻木
不仁二日肉死針刺不痛三日血死爛潰四日筋

死指脫五日骨死鼻柱壞此五臟受傷之不可治也若聲啞目盲尤爲難治大抵此症多由勞傷氣血腠理不密或醉後房勞沐浴或登山涉水外邪所乘衛氣相搏濕熱相火血隨火化而致故淮陽嶺南閩間多患之治當辨本症兼症變症類症陰陽虛實而治焉若妄投燥熱之類膿水淋漓則肝血愈燥腎水愈傷相火愈旺反致敗症矣

本症治法

一癰瘍所患非止一臟然其氣血無有弗傷兼症

無有弗雜况積歲而發現於外須分經絡之上下
病勢之虛實不可槩施攻毒之藥當先助胃壯氣
使根本堅固而後治其瘡可也經云真氣奪則虛
邪氣勝則實凡云病屬有餘當認爲不足

一癰瘍當知有變有類之不同而治法有汗有下
有砭刺攻補之不一蓋兼症當審輕重變症當察
先後類症當詳真爲而汗下砭刺攻補之法又當
量其人之虛實究其病之源委而施治之蓋虛者
形氣虛也實者病氣實而形氣則虛也

一癘瘍砭刺之法子和張先生謂一汗抵千針蓋以砭血不如發汗之周遍也然發汗卽出血出血卽發汗二者一律若惡血凝滯在肌表經絡者宜刺宜汗取委中出血則効若惡毒蘊結於臟非蕩滌其內則不能痊若毒在外者非砭刺遍身患處及兩臂腿腕兩手足指縫各出血其毒必能散若表裏俱受毒者非外砭內泄其毒決不能退若上體患多宜用醉仙散取其內畜惡血於齒縫中出及刺手指縫并臂腕以去肌表毒血下體患多

宜用再造散令惡血陳蟲於穀道中出仍針足指縫并腿腕隔一二日更刺之以血赤爲度如有寒熱頭疼等症當大補血氣

一癰瘍服輕粉之劑若腹痛去及兼有膿穢之物

不可用藥止之若口舌腫痛穢水時流作渴發熱

喜冷此爲上焦熱毒宜用瀉黃散若寒熱往來宜

用小柴胡湯加知母若口齒縫出血發熱而大便

秘結此爲熱毒內淫宜用解毒湯若大便調

和用濟生犀角地黄湯若穢小雖盡口舌不愈或

發熱作渴而不飲冷此爲虛熱也宜用七味白朮散

一癰瘍手足或腿臂或各指拳攣者由陰火熾盛虧損氣血當用加味逍遙散加生地黃及換肌散兼服

一瀉瘍生蟲者五方風邪翕合相火制金木盛所化肉食五臟而症見外也宜用升麻湯送瀉青龍或樺皮散以清肺肝之邪外灸承漿以疏陽明任脉則風熱息而蟲不生矣肝經虛熱者佐以加味

逍遙散六味地黃丸

一癘瘍久而不愈有不慎起居飲食內火妄動者
有臟腑傷損氣血疲乏者有用攻伐之藥氣血愈
虧者有不分兼變相雜用藥失宜者有病人諱疾
忌醫者

一癘瘍愈而復發有不戒厚味內熱傷脾者有不
戒房勞火動傷腎者有不戒七情血氣傷損者有
餘毒未盡兼症干動者有氣虛六淫外乘者古人
云此症百無一生正謂此耳

兼症治法

一頭目眩暈若右寸關脉浮而無力脾肺氣虛也
用補中益氣湯若左關尺脉數而無力肝腎氣虛
也用六味地黃丸若右寸尺脉浮大或微細陽氣
虛也用八味地黃丸血虛者四物湯加參苓白朮
氣虛者四君子湯加當歸黃芪肝經實熱者柴胡
清肝散肝經虛熱者六味地黃丸脾氣虛弱者補
中益氣湯脾虛有痰者半夏白朮天麻湯砭血過
多者芎歸湯發熱惡寒者聖愈湯大凡發熱則真

氣傷矣不可用苦寒藥恐復傷脾胃也

一口喎目斜手足牽搐或瞋稜痒動屬肝經血

虛風熱用加味逍遙散六味地黃丸以生肝血滋

腎水若寒熱往來或耳聾脇痛屬肝木熾盛先用

小柴胡合四物湯以清肝火生肝血若筋攣骨痛

或不能動履用六味地黃丸補中益氣湯以滋化

源若因服燥藥而致者用四物湯加生甘草金銀

花以解熱毒益陰血凡此俱屬肝經血燥所致須

用六味地黃丸補中益氣湯爲主若因怒氣房勞

而甚者用六味地黃丸十全大補湯爲主若因勞傷形體而甚者用補中益氣湯十全大補湯爲主一夏秋濕熱行令若飲食不甘頭目眩暈遍身酸軟或兩腿麻木口渴渴自汗氣促身熱小便黃數大便稀溏濕熱傷元氣也用清燥湯如在夏令用清暑益氣湯若自汗益汗氣高而喘身熱脉大元氣內傷也用補中益氣湯若嘔吐少食肚腹痞悶大便不實脾胃受傷也用六君子湯若胸腹不利飲食少思吐痰不止脾胃虛痞也用六君湯若形氣

倦怠肢體麻木飲食少思熱傷元氣也用人參益氣湯

一熱渴便濁若夜寒晝熱者熱在氣分也用清心蓮子飲晝安夜熱者熱在血分也用四物二連湯俱佐以六味地黃丸若寒熱往來者肝經血虛也用加味道遙散六味地黃丸

一小便不利若因服燥藥而致者用四物湯加炒黑黃栢知母生甘草以滋陰血若頻數而色黃者用四物湯加參朮麥門五味子以生氣血若短而

色黃者用補中益氣湯加山藥麥門五味以滋化源經云無陰則陽無以生無陽則陰無以化

一大便不通若血虛內熱而澁滯者用四物湯加麥門五味子以生血潤燥若因燥熱之藥而患者用四物湯加連翹生甘草以生血清熱若服尅伐之藥而致者用四君湯加芎歸以助氣至血若作渴飲冷者熱淫於內也用竹葉石膏湯以清胃火若作渴飲湯者腸胃虛熱也用竹葉黃芪湯以補氣生津若內熱作渴面赤飲湯者用四物湯送潤

腸丸以涼血潤燥若腸胃滿脹燥在直腸而不通者用豬膽汁導之腸胃氣虛血涸而不通者用十全大補湯若肝膽邪盛脾土受侮而不能輸化者用小柴胡湯加山梔郁李仁枳殼治之

一怔忡無寐或兼衄血便血若內熱瞋熱作渴飲湯肢體倦怠此脾血虛而火動也用四君子加芍歸若思慮傷脾動火而致用歸脾湯加山梔若發熱瞋熱用八珍湯加酸棗仁茯神遠志若因心血虛損用栝子仁散大抵此症皆心脾血少所致但

調補胃氣則痰清而神自安不必專於清熱治痰
一發熱惡寒若肢體倦怠煩躁作渴衄高而喘頭
痛自汗者此內傷氣血也用補中益氣湯加五味
麥門倦怠食少大便不調小便頻數酒漸惡寒者
此脾肺氣虛也用升陽益胃湯煩躁作渴體倦少
食或食而不化者此脾氣虛熱也用六君子湯
一發熱在午前脉數而有力者氣分熱也用清心
蓮子飲脉數而無力者陽氣虛也用補中益氣湯
午後脉數而有力者血分熱也用四物湯加牡丹

皮脉數而無力者陰血虛也用四物湯加參朮熟
從兩脇起者肝虛也用四物湯加參朮黃芪從臍
下起者腎虛也用四物湯加參朮黃栢知母五味
麥門肉桂或六味丸其熱晝見夜伏夜見晝止或
去來無定時或起作無定處或從腳起者此無根
虛火也須用加減八味丸及十全大補湯加麥門
五味更以附子末唾津調搽湧泉穴若形體惡寒
喜熱飲食者陽氣虛寒也急用八味丸
一口乾若惡冷飲食者胃氣虛而不能生津液也

用七味白朮散若喜飲冷食者胃火盛而消燂津液也須用竹葉石膏湯夜間發熱口渴者腎水弱而不能上潤也當用六味地黃丸若因汗下之後而有前患胃氣虛也宜用八珍湯主之

一作渴若煩躁飲冷者屬上焦實熱用涼隔散兼

大便秘結者屬下焦實熱用清涼飲若用尅伐之

藥而渴者氣血虛也急用八珍湯六味丸一耳聾

耳鳴若左寸關脉弦數者心肝二經虛熱也用四

物湯加山梔柴胡生陰血右寸關脉浮大者脾肺